

ՀԱՄԱՐԱԻԱՐԵՐ

ՀԱՍՏԱՐԱԿԱԿԱՆ ԳՐԱԿԱՆ ԵՒ ՔԱՂՅԱՔԱԿԱՆ ՇՈՒԹԱԹԵՐԹ

ԿՈՎԿԱՍԻ ՀԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ

10 կոպէկ

Լոյս է տեսնում կիրակի օրերը

10 կոպէկ

ԲԱԺԱՆՈՐԴԱԳԻՆԸ տարեկան 4 հարկի, կէս տարուան 3 հարկի.
Արատաւման՝ տարեկան 5 ռ., կէս տարուան 3 ռ.

ԽՄԲԱԳՐՈՒԹԻՒՆԸ՝ Քիֆիս, Արատաւման հրապար. № 7.
Հեռախոս № 39.

Գլխի Կոպէկ.— Тифлис, „Амбасабер“, Тифли, Rédaction du journal
„Hambayaber“.

ՅԱՅՏԱՐԱՐՈՒԹԻՒՆՆԵՐ՝ առդին 10 կոպէկ.

Խմբագրութիւնը բաց է առաւտեան ժամի 10--2, բացի կիրակի և տան օրերից
Տպագրութիւնը ուղարկուած ձեռագրերը կարող են ենթարկուել փոփոխման և
կրճատման:

Տպագրութեան համար անյարմար ճանաչուած մեծ յօդուածները պահուած են
վեց ամիս խմբագրատանը, իսկ փոքրերն անմիջապէս ոչնչացուած:

Տպագրութեան համար անյարմար թղթակցութեանց և յօդուածների առթիւ
խմբագրութիւնն պարտաւոր չի համարում գրաւոր բացատրութիւններ տալ:

ԲՈՎԱՆԴԱԿՈՒԹԻՒՆ

ԽՄԲԱԳՐԱԿԱՆ.— Միակ էլքը, Ս. Յարութիւնեանի.— ԽՄԲԱԳ-
ՐՈՒԹԵԱՆ, ԿՈՂՄԻՑ.— ԱՆՑՔԵՐԸ ՊԵՏՐՈՂՈՐԱՆՈՒՄ.— Պանգեր-
մանական ծրագիրը Ռուսիոյ գէտ.— Գաղթականների պարկնա-
ւորման գործը, Վ. Բաղդասարեանի.— Ազգ. համախորհրդակ-
ցութեան արդիւնքը.— Կովկասեան զեմսուս.— Մի գեղեցիկ

ձեռնարկութիւն, Բեղրզանեանի.— ՏԱՐԵՒԻՐ Կ. Հ. Բ. ԸՆԿԵ-
ՐՈՒԹԵԱՆ ԵՒ Հ. Կ. ԿՈՄԻՏԷԻ.— Սահմ. Ժողովի շուրջ.— ԳԻ-
ՂԱՐՈՒԵՍՏ.— Կարօտ, Անուրջի.— Հայ Ժողովրդ. Կուս. ցուցակը,
— ԲՐՈՆԻԿՈՆ.

ՄԻԱԿ ԵՎ ՔԸ

Համաշխարհային պատերազմը առասպելական չափեր
է ստացել. նրա կործանիչ հետեանքները ստեղծել
են խեղդող մթնոլորդ համայն մարդկութեան համար,
կեանքը ամենուրեք ճնշուած է:

Իւրաքանչիւր օրը պատերազմը խլում է բազմաթիւ
կեանքեր, մեռնում է կուլտուրան, թունաւորում է ան-
հատական, հասարակական և քաղաքական կեանքը, առաջ
է բերում տնտեսական սարսափելի բայքայում:

Բոլոր պատերազմող պետութիւնները, առանց բա-
ցառութեան, ծանր կացութեան մէջ են, սակայն Ռուսաս-
տանի զրութիւնը բացառիկ ծանր է:

Ոչ մէկ պետութեան չվիճակուեց տալ այնքան զո-
ւեր մարդկային և նիւթական, որքան Ռուսաստանին:

Թշնամին պատերազմի հենց սկզբից՝ իր դիտաւոր
յարձակումները ուղղել է Ռուսաստանի գէտ և այդ յար-
ձակումները կատարուել են կատաղի կերպով, մեծ թա-
փով:

Պատերազմի ծանրութիւնը Ռուսաստանն է տարել
իր ուսերի վրայ, իսկ դաշնակիցները չկարողացան դժ-
բաղդաբար իրենց ակտիւ գործողութիւններով այնպիսի
հարուածներ տալ թշնամուն, որ նա էլ ստիպուած լինի
իր ոյժերի զգալի մասը փոխադրել Ռուսաստանի սահմա-
նից միւս ճակատը, որպէս զի Ռուսաստանի զրութիւնն
էլ որոշ չափով թեթեւանայ:

Ռուսաստանի ծանր զրութիւնը լուսաբանելու համար՝
բաւական է նոյնիսկ թուուցիկ տեսութիւն անել նրա ի-
րականութեան մասին:

Կռիւր յաջող մղելու համար՝ նախ հարկաւոր են հաս-
տատուն ֆինանսական միջոցներ, իսկ Ռուսաստանի ֆի-
նանսները ողբալի զրութեան մէջ են. առտաց զրամի
կուրսը այն աստիճանի ընկել է, որ մինչև անգամ Պարս-
կաստանում մէկ ռուբլին հաւասարուել է 4—6 կոպէկի.
զրամի կուրսի իջնելը բայքայումն է մացրել և մեր երկրի
ներսը: Պատերազմական ծախսերի զուամարը այժմ հասել
է եօթանասուուն և հինգ միլիոն ռուբլու օրեկան. կառա-
վարութիւնը ստիպուած անթիւ թղթադրամ է գու-

թողնում և աւելի ու աւելի գցում դրամի արժողութիւնը: Մի կողմից պետութեան ծախսերը հասել են սարսափելի չափերի, իսկ միւս կողմից պետութեան մուտքերն նւազել են շատ մեծ չափով: Ահա թէ ինչ ողբերգական դրութիւն է ստեղծուել պետութեան համար Ֆինանսների տեսակէտից:

Ոչ պակաս նշանակութիւն ունի և պարենաւորման խնդիրը:

Պարենաւորման գործը բնական վիճակի է հասել. հացաքեր Ռուսաստանը ներկայումս սովի ճիւղանների մէջ է. երկրի ահագին շրջանները, որոնք մեծ քանակութեամբ հաց էին արտահանում, այս տարի մասամբ երաշտից, մասամբ առատ անձրևներից, բերք չունեցան և այժմ մատնուած են քաղցածութեան, որը առիթ է տալիս ժողովրդական խռովութիւնների զանազան տեղերում, իսկ ապագայում սպառնում է աւելի մեծ վտանգներ:

Պետական կեանքի կարևոր ջիղերից մէկը հաշուած է կանոնաւոր հաղորդակցութիւնը. այդ կողմից ևս Ռուսաստանի դրութիւնը շատ անախանձելի է. երկաթուղագծերի վրայ տիրում է կառաւարդական խռովութիւն. զգացում է մեծ կարիք շոգեմեքենաների, վագոնների, որոնց ստացումն արտասահմանից գծաւարացել է, իսկ Ռուսաստանում չկան բաւականչափ գործարաններ: Դրութիւնն այնքան լուրջ է համարւում, որ արդէն կարգադրւած է նոյեմբերից կրճատել մարդատար գնացքների թիւը:

Պատերազմը յաջող մղելու համար անհրաժեշտ է ունենալ կանոնաւոր զօրք: Ռուսաստանի զօրքը միշտ գովելի է եղել թէ իր բաշտութեամբ և թէ իր կարգապահութեամբ, սակայն այժմ այդ կողմից ևս Ռուսաստանին վիճակուեց անյաջողութիւն:

Բոլշևիկների անիմաստ և ֆուսակար ագիտացիան մոցրեց զօրքերի մէջ կարգապահութեան բայցայումն. զինուորները զգացին իրենց անպատասխանատու հրամանատարների առաջ. նրանց մի մասը ներշնչուեց այն մտքով, որ այս պատերազմը մի աննպատակ ավաճառւոյ է. սկսեցին բացարձակապէս հրաժարուել կռուելուց և անամօթարար ամբողջ զնդերով, երբեմն ամբողջ գիւղիկայով, առանց մի կնդակ արձակելու, անձնատուր էին լինում թշնամուհւոյ նրբէք պատմութիւնը չէ մոռանալու այն խայտառակութիւնը, որ Ռիգան, — որի պաշտպանութեան համար երկու տարուայ ընթացքում մեծ զոհեր են եղել — վերջին անգամ յանձնուեց թշնամուհւ համարեա առանց կռուի. մեր զօրքի կողմից եղան միայն մէկ սպանուած և երեք վիրաւորուած...:

Ահա թէ ինչ տաժանելի հանգամանքներ են ստեղծուել պատերազմի ժամանակ:

Պատերազմի յաջողութիւնը պահանջում է, որ զօրքի

թիկունքը լինի ամուր, հաստատուն և երկրի ներսը խաղաղութիւն:

Իսկ ինչ է ցոյց տալիս մեր դառն իրականութիւնը. թիկունքի զօրքերի մեծ մասի մէջ նկատուում է լքում, կարգապահութեան բացակայութիւն. երկրի ներսը, ժողովուրդի մէջ էլ կատարեալ անիշխանութիւն է, խանգարուած է ամեն մի կարգ, չը կայ ոչ անձի և ոչ էլ կայքի ապահովութիւն: Իշխանութեան բացակայութիւնը արտայայտուած է շատ զգալի ձևով. Ռուսաստանի շատ նահանգներում սկսուել են խռովութիւններ, աւերումներ. կողոպտում են քաղաքներ, գիւղեր, սպանում են մարդկանց, հրի ու ոչնչացման են ենթարկւում կալուածքներ, գործարաններ, և այս ցաւալի արշաւանքները աւելի և աւելի մեծ ծաւալ են ստանում: Չկայ ոչ մի իշխանութիւն, չկայ ոչ մի ոյժ, որը կարողանար խռովարարներին սանձահարել, առաջն առնել այս աւերումներին:

Արդեօք այս բոլորը չի ցոյց տալիս, որ պատերազմը շարունակելը արդէն անհնարին է դարձել:

Յոգնել ու ձանձրացել է ժողովուրդը պատերազմից, յոգնել են և իրենց կոչման հաւատարիմ մնացած զօրքերը խրամատների երկարատե և տաժանելի կեանքից: Ամենքի ջերմ ցանկութիւնն է՝ պատերազմից վերադառնալ խաղաղ կեանքի ու դիմել կուլտուրական և ստեղծագործական աշխատանքի:

Պատերազմին վերջ տալը, խաղաղութիւն կնքելը բոլորի համար դարձել է շատ զգալի պահանջ:

Իսկ բոլշևիկների նոր փորձը իշխանութիւնը բռնի միջոցով իրենց ձեռքը գցելու, որը կարող է դառնալ նոր արիւնահեղութեան առիթ, այլևս չի թողնում ոչ մի կասկածանք, որ պատերազմը պէտք է վերջացնել, պատերազմի շարունակելը այլևս անկարելի է դարձել:

Վայրկեանը վերին աստիճանի լուրջ է. հասել է ժամը, երբ այլևս չկայ ոչ մի ելք փրկելու Ռուսաստանը խապա կործանումից, բացի խաղաղութիւն կնքելուց:

Անկասկած՝ խաղաղութիւնը կը կնքուի ծանր պայմաններով, բայց հանգամանքները պահանջում են երկու շարիքից ընտրել նուազագոյնը, փոքրը, կործանման փոխարէն՝ հաշտութիւն, որը ի հարկէ չէ կարող Ռուսաստանի ինքնասիրութեան բաւականութիւն տալ:

Հայրենասիրական զգացմունքը, քաղաքական հեռատեսութիւնը պէտք է թելադրեն մի բան միայն՝ այլևս չմտածել պատերազմի շարունակութեան մասին, չսպասել պատերազմից բարիքներ Ռուսաստանի համար և աշխատել շուտափոյթ հաշտութիւն կայացնել, պաշտպանելով Ռուսաստանի շահերը որքան որ հնարաւոր կը լինի, որքան որ ապահոված կը լինի Ռուսաստանի վերածնութիւնը և հզօրութիւնը ապագայում: Չպէտք է մոռացուի և փոքր ազգերի ազատութիւնը, որը եղել է այս պատերազմի բարձր գաղափարներից մէկը:

ԽՄԲԱԳՐՈՒԹԵԱՆ ԿՈՂՄԻՑ

«Համալսարան»-ի խմբագրութիւնը յայտարարում է ի գիտութիւն թերթի բաժանորդների և ընթերցողների, որ տպարանի ու գրաշարների աննկարագրելի թանգութեան պատճառով, 35-րդ համարից սկսեալ թերթը լոյս չտեսաւ:

Խմբագրութիւնը իր թափած բազմաթիւ ջանքերի շնորհիւ յոյս ունի, որ այսուհետեւ պիտի կարողանայ պարբերաբար լոյս ընծայել թերթը և այդպիսով բաւարարութիւն տալ մեր յարգելի ընթերցողների բուն ցանկութիւններին:

ԱՆՑՔԵՐԸ ՊԵՏՐՈԳՐԱԴՈՒՄ

Գետրոգրադից ստացուած տեղեկութիւնների համաձայն, բոլշևիկները յեղափոխութիւն են կազմակերպել կառավարութեան դէմ: Բոլշևիկները գրաւել են մայրաքաղաքի զանազան կարևոր կէտերը: Նրանց պարագլուխ Տրոյսկին յայտարարում է, որ թեւեւ ցոյցը անարիւն անցնի. ձերբակալուած են միեւնոս Բարտաշևը և Ժամ. Կառավարութեան գործադար Գալսերինը: Կենտր. կառավարութիւնը ոյժ չունի բոլշևիկների հեշտան գիմազբելու: Կերենսկին կայանումն է. ճակատի զօրամասերը Ժամ. Կառավարութեան կողմն են: Արևմտեան և կովկասեան Ֆրոնտի բոլոր զօրամասերը յայտնում են իրենց հաւատարմութիւնը Ժամ. Կառավարութեան: Ֆրոնտից զօրք է գնում Գետրոգրադ կառավարութեանն օգնելու:

Թիֆլիսի միացեալ կենտրոնը 26 ձայնով, 27-ի ձեռնպահութեամբ, որոշեց արևմտահեղութիւն առաջ չբերելու համար՝ խաղաղութեամբ վերջ տալ ապստամբութեան: Յեղափոխական զեմոկրատիայի համերաշխ գործակցութեամբ կազմել իշխանութիւնը: Ժամ. Կառավարութիւնը Գետրոգրադի ցոյցերի առթիւ կոչ է բաց թողել, որով հրաւիրում է զօրքերին ու ազգաբնակչութեան հանդարտ և հաւատարիմ մնալու կառավարութեան:

ՊԵՏՐՈԳՐԱԴՈՒՄԵՆԵԿԱՆ ԽՐԱԳԻՐԸ

ՌՈՒՍԻԱՅ ԴԷՄ

Գանգերմանիզմը ձեռնարկել է Ռուսաստանի դէմ իր ամենաոսկալի յարձակումը, որի նախագիծը երկար ժամանակից ի վեր պատրաստուած էր և որի իրականացման համար՝ ռուսական յեղափոխութիւնը նպաստաւոր թուեց գերմանացիներին: Գերմանիան պարզապէս աշխատում է կղզիացնելու Ռուսիան Ներքալայից, այնպէս որ գոյութիւն ունենայ միայն աշխարհագրականապէս և քաղաքականապէս Ասիական Ռուսիա: Ժողովուրդների ինքնավարութեան և իրաւունքի պատրուակով, պանգերմանիզմը աշխիւ ու ձախից ձգտում է չորս հոգին տալ ռուսական երկիրը և Ռուսիան ջնջել Ներքալայի ազգերի ցուցակից:

Բոլոր սահմանազխային գաւառները, որ թէ ծովով և թէ ցամաքով Ռուսաստանը կապակցում են Ներքալային, յետ են պաշտպանում Ռուսաստանը կապակցում են Ներքալային, յետ են պաշտպանում Ռուսաստանը կապակցում են Ներքալային, յետ են պաշտպանում Ռուսաստանը կապակցում են Ներքալային:

խուած են մտնի նահանգների, գերմանական ազգեցութեան ներքոյ: Ռուսիան պիտի կտրուի ծովից և աշխարհից Ֆիլլանդիայով: Ազգայնականութեան սկզբունքի անունով պանգերմանիզմը բաց է իրաց խալիկեան գաւառները միացնում է Գերմանիոյ:

Յայտնի է արդէն թէ ինչպէս գերմանացիները իրենց ծրագրի վրայ սողացնում են ռուսական Բոլոնիոյ ճանկախութիւնը: գերմանացի կամ աւստրիացի մի բռնապետի իշխանութեան տակ, բացարձակապէս յետ մղելով, Վեստուլի և Պոդնանիի հետ Պոլոնիական միութեան վերահաստատման գաղափարը:

Ապա գալիս է Փոքր Ռուսիան (Ուկրայինան), որի անջատողական ձեռնարկը ձգտում է բացորոշ կերպով ռուսական միութեան խանգարման:

Գործունէութեան այս նախագիծը կարող է համարուել ազատական, ինքնավարական և յեղափոխական: Բայց իրականութեան մէջ պանգերմանական նախագիծ է, իր սկզբնաւորութեամբ և իր վերջաւորութիւններով: 1867-ին Կարլ Մարքս և Բերկհայմ ռուս ժողովուրդը բնաջնջելու մի խաչակրութիւն էին դրուատում ռուսները Ուկրայից այն կողմը նետելու համար: 1884 ին, Պոլ Բոթիզեր գրում էր «Պէտք է ստեղծել Ներքալայի մի կեդրոն... որ նեղացնի ռուսներին Սեւ ծովից եւ Գերմանիոյ արեւելեան սահմաններում՝ գերմանական գաղութներ հաստատելու»:

Գանգերմանիզմի գլխաւոր լիդերներից մին, Պոլ Բորբախը, իր պատերազմական յօդաւանդում, Մոսկուայի և Ուկրայինոյ միջև նախկին սահմանագծի վերահաստատումն է պահանջում: Գնեներալ Ժիգատտէլը զեռ աւելի առաջ կերթայ. նա պահանջում է դէպի արեւելք ծով ռուսական զօնապէս ծոծրակը: Նշանակում է վերաբնակ պատմութիւնը, փոխադրել երկու հարիւր տարի առաջ, ռուսական կմախքը նետել Մեծ Գետրոսից առաջ ունեցած սահմաններից միւս կողմը:

Ռուս յեղափոխականները հարիւր տարիից ի վեր աշխատում են ռուս ժողովուրդը հասցնել արեւմտեան Ներքալայի վիճակին: Գանգերմանիզմը ձգտում է Ռուսաստան ձգել արեւելեան բարբարոսութեան մէջ. այդ բանին յաջողելու համար նա օգտուում է յեղափոխութեան սկզբունքներից:

Ուկրայինան նուազ նախապատրաստուած էր թոււում գերմանական էնթրիքին, Ուկրայնացիները երբէք նուաճուած չեն ռուսների կողմից. նրանք Ռուսաստանին կամաւորապէս միացան 1654 թուին հաւատարիմ երդումով: 1913-ի օգոստոսին և 1915-ի փետրուարին ռուսական ուկրայնացիները յայտարարում էին իրենց հաւատարմութիւնը ռուսական հայրենիքին: Նոյսիկ Աւստրիական Գալիցիայում ռուսաստրական զգացումը շատ ուժեղ էր:

Առանց դժուարութեան հանդիպելու վիճկանայում Ուկրայինայի ազատագրման նուիրում մի ընկերութիւնս հիմնուեց, որ գերմանական քարտէզները հրատարակեց, որոնց մէջ Ուկրայինան տարածուած էր Սեւ-Ազով ծովերից մինչև Կովկասը: Ուկրայինոյ հայրենասէրներից Ժորժ Գլէնոֆը, բազմաթիւ բրոշիւրներ գրեց այդ պրոպագանդային նուիրում: Գերմանական բազմաթիւ թերթերում այդ ուղղութեամբ յօդուածներ երևացին:

1915 թուի ապրիլին Ուկրայինոյ գլխաւոր խորհրդի նախագահը՝ արխիդուքս Ֆրէդերիքի և Կարլ Ֆրանս Ժոզէֆի կողմից ընդունուեց և շնորհաւորուեց:

1915-ի յուլիսին Ուկրայինոյ ազատագրման նպաստող ընկերութիւնը յայտարարում էր, որ «Արևմտեան Ներքալայի և

Ռուսաստանի միջև պիտի լինի Ուկրաինական անկախ մի պետութիւն:

Սա Աւստրո-Ունգարիոյ և ամենից աւելի Գերմանիոյ շահն է: Նախագիծը որոշ է և թագնելու պէտք չկայ: Պանգերմանիզմը աշխատում է ռուսական մարմինը կրծել թերթ առ թերթ: (Le Matin)

ԳԱՂԹԱԿԱՆՆԵՐԻ ՊԱՐԵՆԱՌՐՄԱՆ ԳՈՐԾԸ

Երկու կարծիք չի կարող լինել, որ ներկայ ճգնաժամին զաղթականութիւնն անհամեմատ դժուար կացութեան մէջ է տարում, քան տեղացի ազգաբնակչութիւնը:

Սովի ուրուականը նրա համար այնքան սարսափելի է դառնել, որ տեղեկութիւններ են ստացուել քաղցից առաջացած մահուան դէպքերի և հիւանդութիւնների մասին, որոնք վաղը կարող են լայն ծաւալ ստանալ և վտանգել ամբողջ համայնքը:

Կ. Հ. Բ. Ընկերութիւնը իւր վերայ վերցնելով զաղթականների պարենւորման գործը, կտակածել չէր կարող, որ նրան յատկացրած ամսական 187 վագոն ալիւրի քանակը վտանգաւոր միջոցների կը հասնի: Այն ինչ, պիտի յիշել, վերջին 4 ամսում մահմեդական զաղթականների թիւը աւելացել է 40,000, իսկ որբերինը 6000:

Յիշեալ նորմայի հաշիւն՝ յուլիս, օգոստոս ամիսներում ըստացուած է 21 վագոն, իսկ սեպտեմբեր և հոկտեմբեր ամիսում և ոչ մի վագոն:

Յայտնի է, որ զաղթականների պարենւորման գործը բաժանուած լինելով տեղացի ազգաբնակչութեան պարենւորման գործից, առաջիններին միանգամայն զրկում է որևէ հնարաւորութիւնից Ընկերութեան պահեստներից դուրս օգտուել մթերքներով կօօպերատիւներից կամ ուրիշ հիմնարկութիւններից:

Պարզ է այսպիսով, թէ որպիսի սարսափելի զրկանքի է ենթարկուած մերկ զաղթականութիւնը, որ բառիս բուն նշանակութեամբ զուրկ է ամեն անտեսական միջոցներից:

Յուլիս ամսում նախատեսելով զալիք ճգնաժամը, շրջաբերական կարգադրութիւն արեց պահեստապետներին՝ զաղթականներից ընտրուած լիազօրների հետ խորհրդակցել տեղում մթերքների գնումներ կատարելու մասին, բայց այդ փորձը ոչ մի յաջողութիւն չունեցաւ, քանի որ շուկայում որևէ մթերք գտնելը անհնարին է դարձել:

Ալքաթոյ չի արուած և հացի ճգնաժամը մեղմացնել գետնախնձորի գործածութեամբ: Վերին աստիճանի դժուարութեամբ Ընկերութեան յաջողուեց Ախալցխայի գաւառում գնել 10 վագոն գետնախնձոր, որից 4 վագոն ստացուել և ուղարկուել է պահեստներին, իսկ մնացած 6 վագոնը շուտով կտացուի և կուղարկուի աւելի կարօտեալ վայրերը: Յիշեալ քանակից աւելին գնելու փորձերը անյաջողութեան հանդիպեցին:

Ընկերութեան միւս բոլոր փորձերը Երևանի, Գանձակի և Թիֆլիսի սահմաններում մթերքների գնումներ կատարել դարձեալ ոչ մի յաջողութիւն չունեցան:

Ալիւրի պաշարի վերջնաւուն հետ վերջացել են միանգամայն և միւս մթերքների պաշարները և այժմ Ընկերութեան բացած զաղթականների համար 32 պահեստները, առանց բացառութեան, բառիս բուն նշանակութեամբ դատարկ են մնացել:

Պահեստապետներից ամեն օր ստացուած հեռագիրները միևնոյնն են պնդում, որ սոված զաղթականները շրջապատում են պահեստները և սպառնում են պահեստապետներին:

Դրութեան այս աստիճան կրիտիքական լինելը լուրջ ջրհորութեան ենթարկուեց պարենւորման յանձնաժողովի ժողովում, սեպտեմբերի 21-ին Ս. Յարութիւնեանի նախագահութեամբ ժողովում որոշում կայացուեց դիմել զաղթականների բարձր խորհրդին և կովկասի պարենւորման գործի գլխաւոր լիազօրին, որ գոնէ 187 վագոն ալիւր նորմայի փոխարէն Ընկերութեան տրուի ամսական առնուազն 95 վագոն, հակառակ դէպքում Ընկերութիւնը իրեն ազատ կը համարի պատասխանատուութիւնից էքսցեսների դէպքում:

(Շարունակելի)

Վ. Բաղդասարեան

ԱԶԳ. ՀԱՄԱԽՈՐՀՐԴԱԿՑՈՒԹԵԱՆ ԱՐԴԻՒՆԷԸ

Թիֆլիսում գումարուած Ազգ. Համախորհրդակցութիւնը վերջացաւ և նպաստաւոր հետեանք ունեցաւ:

Հայ ժողովրդի ապրած ներկայ բացառիկ ծանր վայրկեանները, նրա կրած զրկանքներն ու դժնդակ հարուածները, մեր ներքին ազգային քայքայուած կեանքը և ժամանակակից Ռուսաստանի հետ կապ ունեցող հրատապ խնդիրները խոշոր պահանջ էին դարձել ազգային միութեան և համերաշխութեան:

Բոլոր հայ կուսակցութիւնների, հաստատութիւնների և հասարակական կազմակերպութիւնների ներկայացուցիչները, թուով ժողովուրդապէս 180 հոգի, ըմբռնեցին ժողովրդի առգնապալից զինակը և իրենց պարտականութեան խոր գիտակցութեամբ կարողացան շատ սուր վէճերից ու քննադատութիւններից յետոյ համերաշխել և հիմք դնել Ազգային ժամանակաւոր Դիւրադոյն Խորհրդի:

Համախորհրդակցութեան մէջ վճռուեցին մի շարք կենսական խնդիրներ, որպիսին են՝ վերաբերմունքը դէպի ներկայ քաղաքական մոմէնտը, կովկասեան գեմաւու, պարենւորման հարցը, ինքնապաշտպանութեան խնդիր, զաղթականական խնդիրներ, զարոցների ազգայնացում, նախկին Ազգային Բիւրոյի հաշուետուութիւն կայնու:

Ի վերջոյ խորհրդակցութեանը մասնակցող բոլոր Փրակցիաների համաձայնութեամբ կազմուեց ազգային խորհուրդ հետեալ անձերից. Հ. Ժ. Կուսակցութիւնից՝ Ս. Յարութիւնեան և ԲԺ. Այվազեան, Դաշնակցութիւնից՝ Ա. Ահարոնեան, Ա. Գիւլիանդանեան, Ռ. Տէր-Մինասեան, Խ. Կարճիկեան, Ն. Աղբալեան, Սոց.-Դեմոկրատներից՝ Ա. Երզնկեան և Ղ. Տէր-Ղազարեան, Էսերներից՝ Լ. Աթաբեկեան, Յ. Տէր-Օհանեան:

Խորհրդի առաջին նիստում նախագահ ընտրուեց Ա. Ահարոնեան: Բացի Ազգային Խորհրդից, ընտրուելու է և Ազգային ժողով՝ 35 անդամից բաղկացած:

ՄԻ ԳԵՂԵՑԻԿ ԶԵՌՆԱՐԿՈՒԹԻՒՆ

Ներկայ պայմաններում ամենակենսական խնդիրներից մէկն է երկրի պարենւորման հարցը:

Ամբողջ կովկասը այս բողէիս կանգնել է սովի նախօրեակին և յուսահատ ջանքեր է անում այդ մղձաւանջի առաջն առնելու:

Արտաքին զօրաւոր թշնամիներից, ներքին սոսկալի աղէտներից երկիրը պաշտպանելու մէկ կարևոր պայմանը ազգաբնակչութեան պարենւորումը ապահովելն է:

գաղթ. գլխավոր խորհրդի գործադիր կոմիտեն, որի համար ընտրուել է նախագահ՝ պ. Ս. Յարութիւնեան, փոխ-նախագահներ՝ Հ. Առաքելեան, Վ. Փափազեան, անդամ-քարտուղար՝ պ. Ա. Գաբրիելեան:

Հոկտեմբերի 22-ին կայացաւ Հայկ. Կենտր. Կոմիտէի հերթական երկրորդ նիստը:

1. Գ. Ս. Յարութիւնեանը զեկուց Խնուսից՝ Կոմիտէիս լիազօրի հեռագիրը, որով խնդրուած է փոխադրել Խնուս որդերի համար շորեր. որոշուեց անմիջապէս ուղարկել 50 որդի շորերի կոմպլեկտ. յանձնարարուեց նաև Խորհրդի անդամ տ. Հ. Ռոստոմեանցին Վասպուրականի Կանանց Միութեան հետ պայմանաւորուել և պատրաստել տալու 100 հոգու շորեղէն:

2. Կոմիտէիս սրբանոցների ներքին կեանքին աւելի մօտիկից ծանօթանալու և անմիջական կարգադրութիւններ անելու համար՝ կազմուեց կոմիտէի անդամներից մի որոշանոցային յանձնաժողով, որի մէջ մտան պ. պ. Յովհ. Տէր-Միքայէլեան, Յ. Ա. Լազեան և կոմիտէիս ընդհանուր լիազօր Կ. Հազազեան:

Առաջարկուեց նաև կոմիտէի լիազօրին շարաքը մի անգամ կոմիտէի գործունէութեան մասին համառօտ զեկուցումներ պատրաստել:

3. Կրթանիստում տեղաւորուած նախկին հայ համայնքի տաղին որոշանոցը որոշուեց տեղափոխել Զաւալ-Օղլի:

4. Խորհրդի և Կոմիտէի նիստերը որոշուեց յետ այսու գումարել շարաք օրերը:

Կ. Հ. Բ. Ընկ. Խորհուրդը շնորհակալութեամբ ստացել է. —

— պ. Կարապետ Շիրինեանից յօգուտ «Շիրինեան» գրադարանի 150 ա.

— պ. Թովմաս Աւետիքեան Խանդուղեանից գաղտնական նըպաստ 600 ա.

— Իշխ. Բորիս Արղուիթեանից Սանահնի գաղ. նպաստ 500 ա.

— Լոգովայեա կայարանից պ. Կարապետ Մարտիրոսեանից յօգուտ գաղթականների 70 ա.

— պ. Գարեգին Նորմանդովից յօգուտ որդերի 200 ա.

— պ. Կարապետ Շիրինեանից յօգուտ «Շիրինեան» գրադարանի 250 ա.

— պ. Գալուստ Տէր-Աղայեանից յօգուտ չքաւորների 10 ա.

— պ. Արշակ Գետրովիչ Ունանեանից գաղ. նպաստ 12,000 ա.

— տիկին Սաթնիկ Կեօնջեանից ի յիշատակ իւր մօր՝ Եկատերինէ Սուլինեանի յօգուտ ճաշարանի 30 ա.

— պ. Գասպար Իվանիչ Տէր-Մարգարեանից «Շրվինանց» գաղ. առ. կիսամեկի նպաստ 3000 ա.

— Հանի Գետրոս աղա Գաֆաֆեանից ի յիշատակ ամուսնոյ՝ հաջի Մարջանի 100 ա.

— Նոյնից, յօգուտ տաճկահայ փախստականների 400 ա.

— Արտաշէս, Վահրամ և Սարգիս Գաֆաֆեաններից ի յիշատակ իրենց մօր՝ հաջի Մարջանի 100 ա.

— Նոյն Գաֆաֆեաններից յօգուտ տաճկահայ փախստականների 300 ա.

— պ. Սամսոն Ստեփանիչ Յարութիւնեանից Վերին-Աղղան գիւղի գաղտնի նպաստ 250 ա.

— Բժիշկ Լ.-ից Խոյ քաղաքից, յօգուտ Վանի փախստ. 25 ա.

— «Մի բաժակ թէյ»-ի վարչութիւնից 3111 ա. 36 կ.

— պ. Հայկ Սեւոյեանից ծանօթների մէջ ժողոված յօգուտ փախստականների 73 ա.

— Մարիպոլի հայ կոմիտէից յօգուտ փախստ. 200 ա.

— Մ. Բ.-ից յօգուտ հայ գերիների 36 ա.

— Դոմ. Լիստ.-ի խմբագրութեան միջոցով Վերա Գետրովեա Սամսոնովայից յօգուտ ճաշարանի 100 ա.

— պ. Միքայէլ Գրիգ. Ալիբէկեանից Քախուրէլի գաղտնի նպաստ 1500 ա.:

Կ. Հ. Բ. Ընկ. մշտական անդամներ գրուելով վճարել են 100-ական ռուբլի հետեւեալ անձնաւորութիւնները. —

1) Ստեփան Նիկիտիչ Տէր-Չաքարեան, 2) Սարգիս Յովհաննիսեան Բոյեանեան, 3) Խրիստափոր Մարութեան Մելիք-Մարութեան, 4) Զիրբայէլ Բուզազեան, 5) Զաքարիա Յովսէփեան Մելիք-Աղաբեան, 6) Կարապետ Գրիգորեան Արեան, 7) տիկին Հեղինէ Բուզազեան Առատամեան:

Ժ Ի Ի Ղ Ե Ր

Կ. Հ. Բ. Ընկ. Գորուայ ճիւղը կազմակերպեց տուփերով միօրեայ ժողովարարութիւն, որից զուտ օգուտ Յաջ 426 ա.։ Վարչութիւն շնորհակալութիւն է յայտնում այն անձանց, որոնք այս գործում աջակցեցին և օգնեցին նրան:

Նախագահ Վարչութեան՝ Ե. ա. ք. Տէր-Սահակեանց

— Կ. Հ. Բ. Ընկ. Դիլիշանի ճիւղի վարչութիւնը յայտնում է իր խորին շնորհակալութիւնը բժշկապետ Սամուէլ Գալովիչ Շահպարտեանցին, որը նուիրել է Ընկերութեան տեղիս ճիւղին 25 ա. և Արսէն Իվանիչ Տէր-Յովհաննիսեանցին, որը նուիրել է 100 ռուբլի:

— Քարվանսարայի վարչութիւնը շնորհակալութեամբ ստացաւ հետեւեալ նուէրները. — Մեծ. պ. Մարկ. Յս. Դոյուխտեանից 100 ա. յօգուտ որդերի, Մեսրոպ ք. Էդիլեանից 100 ա. ի յիշատակ իւր ծնողների, պ. Գրիգոր Սիմէոնեանից 100 ա. ի յիշատակ իւր եղբոր գասեր՝ Արուսեակի, տ. Ար. Գապեանից 5 ա. մի որդեգրի վարձ. և պ. Լեոն Սարգսեանից 50 ա. ազբիւրի ֆոնդի համար:

ՆՈՒԷՐՆԵՐ «ՀԱՄԱՐԱՆՈՒԹՅՈՒՆ»-Ի ՏԱՐԱԾՄԱՆ ՀԱՄԱՐ

«Համաբաւարեք»-ի խմբագրութիւնը շնորհակալութեամբ ստացաւ պ. պ. Կարապետ Շիրինեանից՝ 100 ա., բժ. Յ. Մելիքեանից՝ 2 ա., Կարապետ Մարտիրոսեանից՝ 20 ա., Դիլիշանից Հերոսիկա Մինանեա Քումանեանից՝ 20 ա., Աւետիս Տէր-Օհանեանից՝ 3 ա.:

ՍԱՀՄԱՆԱԴԻՐ ԺՈՂՈՎԻ ՇՈՒՐՋԸ

Սահմանագիր ժողովը, որ պիտի գումարուի նոյեմբերի 30-ին և որի ընտրութիւնները պիտի լինեն նոյեմբերի 22-ին, իր վրայ է կենտրոնացրել ամբողջ Ռուսաստանի ուղադրութիւնը: Բոլոր կուսակցութիւնները արգէն ներկայացրել են իրենց ընտրական ցուցակները և պատրաստուել նախընտրական պայքարի:

Կովկասը պիտի մասնակցի Սահմ. ժողովին՝ ընդամենը 32 պատգամաւորով, որից մօտ 3 ներկայացուցիչը հաւանաբար հայ լինի:

Հայ կուսակցութիւններից ցուցակ են ներկայացրել Հ. Ժ. կուսակցութիւնը և Հ. Յ. Դաշնակցութիւնը:

Հ. Ժ. Կուսակցութեան ընտրացուցակում նշանակուած են՝ Միք. Գապանեան, Ս. Յարութիւնեան, Ամիրեան և ուրիշներ:

2. Ե. Դաշակցութեան ցուցակում կան Ռոստոմ, Վարանդեան, Օհանջանեան, Շահխաթունեան և ուրիշները:

Սոց. Դեմ. Կուսակցութեան ցուցակում նշանակուած են Ժորդանիա, Մերեթիլի, Ջիլիձէ, Սկորել և այլն: Էսերների ցուցակում աչքի են ընկնում Ներուշեր, Լուսկեիշը, Աթաբէգեանը և ուրիշներ:

Թիւրքերի ներկայացրած ցանկում աչքի են զարնում Զաֆարովը, Թոփիբաշեր, Սուլթանովը և այլն:

Կաղէտների Անդրկովկասեան հատուածի ցուցակում կան Կոկոշկին, Աջեմեան և ուրիշներ:

Սրդէն կուսակցութիւնները սկսել են լայն ագիտացիա և ամեն տեղ ոգևորութեամբ ու լարուած ուշադրութեամբ սպասում են ընտրութիւններին:

Սահմանադիր ժողովը մեծ կարևորութիւն ունի Ռուսաստանի ապագայի համար: Եթէ նոյն իսկ նա ցանկալի արդիւնք չտուից, բայց և այնպէս Ռուսաստանի պատմութեան մէջ կը մնայ որպէս մի նշանաւոր պետական ձեռնարկ:

Գեղարուեստ

Կ Ա Ր Օ Տ

Որպէս զոհար ցօղն է ծորում ճերմակ ամպեր,
Որպէս հեռու ծովից հովի սոյլը անբիծ,
Որպէս կապոյտ ծաղիկների բոյրը կնդրուկ,
Վերջալոյսի խաղաղ հալոդ շողը դալուկ...

Որպէս թաւիշ տերեւների սօսափն անուշ,
Ու թևաբեկ հէգ թիթեռի ցնցումն անյոյս,
Հրաժեշտի համբոյրների մի սուրբ հնչիւն,
Գիշերի մէջ սիրոյ խօսքերը գողգոջուն։—

Ի՞մ սրբունի, այդ ամենի պէս մեղմագին—
Մանդոլինիդ նւագներն եմ յիշում կրկին.
Լոյս անուշ է իմ շուրթերին լոխ միտում,
Աշունի պէս աչերս են միշտ արցունք ցօղում:

Անուրջ

15 օգոստ., Արասթուման

№ 7

Ցուցակ Հայ Ժողովրդական Կուսակ. ՀԻՄՆԱԴԻՐ ԺՈՂՈՎԻ ՀԱՄԱՐ

1) Պապուշանեան, Միքայէլ Յովհաննիսեան, անդամ 4-րդ Պետական Դումայի, անդամ Անդրկովկասեան Յատուկ Կոմիտէի, նախագահ Հայ Ժող. Կուսակցութեան կենտրոնական կոմիտէի, Թիֆլիս, պալատ:

2) Յարութիւնեան, Սամսոն Ստեփանեան, երդ. հաւատ. Թիֆլիսի քաղաքային դումայի իրաւասու, նախագահ Կ. Հ. Բարեգ. Ընկ., նախագահ Հայոց կենտրոնական Կոմիտէի, Թիֆլիս, Գրիբոեդովսկայա, 23:

3) Տէր-Պետրոսեան, Դեղամ Մարգարեան, անդամ առաջին Պետական դումայի, Թիֆլիս, Գանդսկայա, 24:

4) Ամիրեան, Իսահակ Թովմասեան, երդ. հաւատ., պրոպոզիւն. փոխ-նախագահ Հայ Ժող. Կուսակցութեան կենտ. կոմիտէի, Թիֆլիս, Սերգէեւսկայա 14:

5) Վաչեանց, Աստուածատուր Գէորգեան, լեռնային ինժեներ, Բագուի քաղ. դումայի իրաւասու, նախագահ հոգաբարձութեան Բագուի հայոց դպրոցների, Բագու, Տելեֆօնայա, տ. Սրաֆեւովի:

6) Աթաբէգեան, Միքայէլ Ներսէսեան, երդ. հաւատ., Թիֆլիսի քաղ. դումայի իրաւասու, Թիֆլիս, Պասկեւիչի փողոց, 6:

7) Այվազեան, Յարութիւն Դաբրէլեան, բժիշկ. անդամ առաջին պետական դումայի, Թիֆլիս, Բարոնսկայա, 9:

8) Սպէնդիարեան, Յովհաննէս Սիմոնեան, երդ. հաւատարմատար, Թիֆլիս, Նաւագուլովսկայա, 3:

9) Ստեփանեան, Կարապետ Մկրտչեան, բժիշկ. Թիֆլիս, Նոր Բէհրութեան փող. տ. Թումանովի:

10) Ջաբարեան, Թադէոս Յարութիւնեան, բժշկապետ, նախագահ Բագուի Հայոց Կուլ. Միութեան:

11) Բունիաթեան, Մենսուր Աբրահամեան, մագիստրոս քաղաքական տնտեսութեան և վիճակագրութեան, Թիֆլիս Երեւանեան հրապարակ, տ. Վաճառականական քանդի:

22) Խոջայեան, Իսահակ Մկրտչեան, երդ. հաւատարմատար Գանձակի քաղ. դումայի իրաւասու, Գանձակ, եկեղեցու փող, 2:

13) Մելիքեան, Յովհաննէս Նահապետեան, Երևանի քաղ. դումայի իրաւասու, Երևան, Աստաֆեան փողոց, 30:

14) Մելիք Շահնազարեան, Կարապետ Իսահակեան, Շուշու քաղաքագլուխ, Շուշու:

Կիրակի, հոկտ. 22-ին, Սամսոն Յարութիւնեան դասախօսեց Հիմնադիր ժողովի ընտրութիւնների եղանակի և ժողովի նշանակութեան մասին: Ընտրութիւնները պէտք է կատարուեն հինգ անգամանի սկզբունքով, այսինքն պէտք է լինեն ընդհանուր, հաւասար, ուղղակի, գաղտնի և համեմատական: Սա ամենալայն դեմոկրատական սկզբունքն է, որի համար տարիներով ու դարերով պայքար են մղել Եւրոպայի ժողովուրդները և որ սակայն

ոչ մի տեղ չի ունի չէ գործադրում: Յեղատոխական Ռուսաստանը մի անգամից վճռեց այս հարցը: Բացատրելով իւրաքանչիւր յատկանիշի էութիւնը՝ դասախօսը աւելի մանրամասն կանգ առաւ զննչանութիւն յատկանիշի վրայ: Ընդհանուր ձայնատուութիւն նշանակում է, որ ընտրելու և ընտրուելու իրաւունք ունեն առհասարակ բոլոր առաւելագոյն անձերը, որոնք լրացրել են 30 տարին, առանց սեռի, դասակարգի, ցեղի, դաւանութեան խտրութեան: Բացառութիւն է արուած միայն խելագարների, խուլ և համրների և քրէական յանցանքների պատճառով դատապարտուածների համար: Ուրիշ ժամանակներում և ուրիշ տեղերում այսպիսի լայն իրաւունք չէ ունեցել և չունի ժողովուրդը, այլ գոյութիւն են ունեցել և ունեն աւելի կամ պակաս սահմանափակումներ: Կան, օրինակ, դատակարգային սահմանափակումներ, որի պարտութեամբ ընտրողական իրաւունք ստանալու համար պէտք է ունենալ անշարժ կալուած, կամ որոշ քանակութեամբ տուրք վճարել պետութեան, կամ զբաղեւ լինել և այլն: Կայ սեռի սահմանափակում, որի պարտութեամբ կանայք զրկուած են ընտրութիւններին մասնակցելու իրաւունքից: Կանայք իրանց քաղաքացիական իրաւունքների համար, որոնց մէջ է մտնում և ընտրողական իրաւունքը, վաղուց պայքար են մղում (սուֆրաժիստութիւն) և հետզհետէ նուաճումներ անում: Աւստրալիայում նրանք արդէն ստացել են ընտրելու և ընտրուելու իրաւունք և նրանց ազգեցութիւնը աւստրալիական պարլամենտում ախջան օգտակար է եղել ոչ միայն կրթական, այլ և ընդհանուր քաղաքական գործերում, որ պարլամենտը հարկ է համարել կոչ ուղղել ուրիշ պարլամենտների, որ կանանց ընտրողական իրաւունք տան: Բոլոր սահմանափակումների մէջ դասախօսն, անձամբ, ընդունելի է համարում միայն զինուորների ընտրողական իրաւունքի սահմանափակումը, քանի որ նրանք զինուորական ծառայութեան մէջ են գտնուում, որովհետեւ կարծում է, որ զինուորների վրայ ընտրողական իրաւունքը տարածելը կարող է պատճառ գտնաւ գիսցիւլիսայի խախտման:

Հինգամսամանի ընտրութիւնները ահագին աշխատանք և մեծ գրամական ծախսեր են պահանջում, Ընտրութիւնները ղեկավարելու համար ընտրուած է կենտրոնական կոմիտիա Պետրոգրադում և շրջանային, նահանգական, գաւառական և աւելի մանր կոմիտիաներ՝ ամբողջ Ռուսաստանում: Այս աշխատանքներն ու ծախսերը սակայն արգարանում են այն մեծ նշանակութեամբ, որ սնենալու է Հիմնադիր ժողովը: Ամեն միջոց ձեռք է առնում ժամանակաւոր Կառավարութիւնը, որ պէտքի Հիմնադիր ժողովը լինի արգարե արտայայտիչ ժողովրդի կամքի, որովհետեւ ժողովուրդն է, որ իր ընտրեալների, Հիմնադիր ժողովի միջոցով պէտք է անօրինէ իր ապագայ վիճակը: Հիմնադիր ժողովը պէտք է լուծէ պետական կազմի և կեանքի վերաբերեալ ամենակարեւոր հարցերը, որոնք մեզ համար ևս կենսական նշանակութիւն ունեն: Ժամանակաւոր Կառավարութիւնը յայտարարել է Ռուսաստանը հանրապետութիւն: Սակայն սա վերջնական չէ: Հիմնադիր ժողովը, նայելով թէ ինչ կազմ կունենայ, կարող է Ռուսաստանը դարձնել միապետութիւն յայտարարել, որից տուժողը ամենից շատ մենք կը լինենք: Ուրեմն մենք պէտք է անգործ և անփոյթ չը մնանք, ոչ մի ձայն չը կորցնենք: պէտք է ընտրենք պատգամաւորներ, որոնք հանրապետական կարգի կողմնակից և պաշտպան լինեն: Հիմնադիր ժողովը պէտք է լուծէ և հողային հարցը, քանուորական հարցը, այս լուծումներից կախում ունի քաղաքացիական

դատութեան և ուժեղ կազմակերպուած աշխատաւոր դասակարգի բաղդը—այդ հարցերի բաւարար լուծումից կախում է այն բանը, թէ արդեօք Ռուսաստանը բարեկարգ ու ծաղկած երկիր պիտի դառնայ թէ զոխք: Գէտք են ուրեմն բանիւրուն, երկրի ու դասակարգերի կարիքներն լուծումը պատգամաւորներ, որ կարողանան բաւարար կերպով վճռել այս սուր հարցերը: Հիմնադիր ժողովը պէտք է լուծում տայ ազգային հարցին: Շատերը թէն գրում են թէ կողմնակից են ազգերի ինքնորոշման իրաւունքին, բայց իրօք հակառակ են դրան: Անգրկովկասիան երեք զլխաւոր ազգերը, որոնք ունեն իրենց տերիտորիան, պէտք է իրաւունք ունենան ինքնորոշման: Մինք պէտք է համոզուած և ուժեղ ներկայացուցիչներ ունենանք Հիմնադիր ժողովում, որ պէտք չի պաշտպանեն մեր ազգային իրաւունքները (Մափահար):


Ք Ր Ո Ն Ի Կ Ո Ն

Օգակոմի վերակազմութեան խնդրի առթով, ամսիս 30 ին կայացած խորհուրդների երկրային կենտրոնի նիստում հարց է յարուցուել Պետրոգրադից զինեւրալ կոմիտար նը շանակելու մասին: Ժողովը այդ հարցի մասին միաձայն որոշեց: Դիմելու կոմիտարը Անգրկովկասի համար ոչ մի ղեկավար ընդունելի չէ: Երկրի կառավարութիւնը ներկայ պայմաններում կարող է լինել միայն հաւաքականով: Օգակոմի վերակազմութեան խնդրում ընդունուեց ազգային ներկայացուցչութեան ըսկզբունքը: Ազգային ներկայացուցիչները նշանակուելու են ազգային կազմակերպութիւնների կողմից և ստանալու են կենտրոնի հաւանութիւնը: Օգակոմի անդամներից մէկը նշանակուած պիտի լինի Պետրոգրադից, նա պէտք է լինի կամ էս-գեկ կամ էս-էր: Օգակոմի մէջ, բացի ազգային ներկայացուցիչներից, մշտնելու են երեք էս-գեկ և երկու էս-էր: Այս առաջարկն ընդունուեց 6 ձայնով ընդդէմ 26ի: Օգակոմի խորհրդի հարցը հանուեց հերթից: Յետաձգուեց և հասարակութեան ապահովութեան կոմիտէի խնդրը:

—Կիւլուփօգակում տարիանցի մի տիկին իր սեփական տունը, որ արժէ 200,000 ռ., ներել է Հայ Գրողների Ընկերութեան:

—Վալկազեանն ընկ.ը որ հիմնուեց այս տարուայ ամբան ըսկզբին, շուտով սկսելու է իր գործունէութիւնը: Այս ամառ Կիւլուփօգակում ընկ.եանը անդամագրել են 30 հոգի վճարելով 5000 ռ., իբրեւ մշտական անդամավճար: Իսկ Ազուլիսիցի վաճառական Խ. Ասլանեան ընկերութեան տրամադրութեան տակ է դրել մի քանի տասնեակ հազար ռուբլի իր մայրենի Ազուլիսի բարբառը հաւաքելու, ուսումնասիրելու և նրատարակելու համար:

Խմբագիր՝ ՍԱՄՍՈՆ, ՍԱՐԳՍԵՅԵՎԻՆՍԿԻ



Тип. «СЛОВО» Гимназическая ул. № 1